



Cumün da Valsot

Poz 86 • CH-7556 Ramosch
Tel. +41 (0)81 861 00 60 • Fax +41 (0)81 861 00 61 • info@valsot.ch • www.valsot.ch

Protocol

Radunanza cumünala dals 19.3.2019

Presidi: Peer-Puorger Victor
Preschaint: 12 votantas e votants
S-chüsà: Curdin Müller e Jon Denoth
Scrutinadur: Mario Molinaro
Protocol: Fallet-Taverna Marco

tractandas	tema	responsabel
1	0110 Legislativa Acconsentimaint protocol	
2	7900 Planisaziun dal territori Revisiun parziala da las zonas da mansteranza a Sclamischo e Plan da la Punt Revisiun parziala da la planisaziun cumünala	
3	0110 Legislativa Varia (radunanza cumünala)	

0110 Legislativa

1 Accointimaint protocol

Il capo, Victor Peer, driva la pruma radunanza dal 2019 e dà il bivgnaint als preschaints. El deplorascha la cifra chi ha raggiunt il punct da partecipaziun il plü bass fin da qua. I sun preschaints 12 votantas e votants e schi's tira in consideraziun las persunas chi sun qua sco funcziunaris resp. impiegats dal cumün, schi's redüa tala sün notabene 4, ün fat chi dà da pensar. La glista da tractandas vegn approvada sco preschantada.

L'actuar, Marco Fallet, dà prelecziun dal protocol da la radunanza cumünala dals 15 november 2018, il qual vegn approvà cun vusch unanima.

7900 Planisaziun dal territori

2 Revisiun parziala da las zonas da mansteranza a Sclamischot e Plan da la Punt

Revisiun parziala da la planisaziun cumünala

Introductivmaing manzuna il capo, Victor Peer, cha l'examinaziun preliminar da tuot la planisaziun cumünala saja gnüda fatta davart dal Chantun e cha'l rapport correspondent saja avantman. Il resultat es frustrabel, biers puncts ston amo gnir sclerits plü a fuond e las zonas da fabrica ston gnir redottas amo daplü co fingià previs. Fin cha la planisaziun totala sarà sancziunada ed in vigur dürarà quai amo ons. Perquai ha la suprastanza decis, our da motivs da temp, da tour avant quista revisiun parziala.

Il manader tecnic, Albin Paulmichl, infuorma cha l'exposiziun publica da cooperaziun saja statta publichada dals 10 da schner fin als 8 da favrer 2019. I nu sun entradas ingünas protestas. A man d'üna preschantaziun bain survisibla dà el tuottas infuormaziuns necessarias sur dals plans e las parcelas tangadas.

Zona da mansteranza Plan da la Punt

In connex culla fabrica dal GKI es gnü construi ün repar suot Martina. Tras la fermada da l'En as fuorma ün grond spazi da serrada chi tendscha fin pro la punt a Martina.

La ditta Engiadinalaina SA prevezza da construir üna gronda halla tanter la via maistra e l'En. Quella bsögna però daplü spazi da la zona da mansteranza sco quai cha quella spordscha. Tras la construcziun dal repar es quai pussibel da spostar la zona da privel cotschna in möd cha quella construcziun es pussibla. Quai sto però succeder cun quista revisiun parziala.

Zona da mansteranza Sclamischot

La falegnamaria Curdin Müller es intenziunada da construir a Sclamischot, sper l'implant da tir, ün suost per magazinari prodots da laina. Ultra da quai prevezza la suprastanza da suottametter a la radunanza cumünala da conceder tant a la falegnamaria Müller sco eir a la ditta forestala, Cla Duri Janett, la quala es fingià a Sclamischot, ün dret da fabrica. Pro vegn il fat, chi'd exista bsögn urgiaint per plazzas da parcar dals impiegats e da tuot l'areal da mansteranza.

Da la discussiun nu vegn fat adöver.

La radunanza va daperüna cun quai ed approvescha cun vusch unanima las duos revisiuns parzias manzunadas.

0110 Legislativa

3 Varia (radunanza cumünala)

Il capo infuorma cha'l manader d'infrastructura, Gisep Gustin, va i'l mais november in pensiun. La direcziun vaiva publichà la piazza ed in seguit lura tschernü a Marco Mayer da Ramosch sco nouv manader d'infrastructura.

Pel rimplazzamaint da Marco segua prosmamaing la publicaziun da la piazza per ün nouv lavuraint cumünal, il qual cumanzarà quella sül principi dal mais avuost 2018.

A las 20:45 serra il capo la radunanza ingrazchond pella cumparsa cul giavüsch per ün bun arriv a chasa.

7556 Ramosch, 26.03.2019



Il capo:

A handwritten signature in blue ink, consisting of a large, stylized initial 'R' followed by a few cursive letters.

Il manader administraziun:

A handwritten signature in blue ink, consisting of several cursive letters, which is enclosed within a hand-drawn blue circle.